


土岐文庫
文庫17
W204
1



17
W204

乾隆丁酉年鑄

蜀
珀
石

同懷兄
端淑
樂齋
仲尹
鑒定

白鶴堂藏板

贈
丁酉年正月一日
吉慶氏

[Faint bleed-through text from the reverse side of the page]

叙

蜀碧者。哭蜀也。哭蜀者。所以著楊嗣昌之罪。而憫卽
捷春之愚。以弔忠魂烈魄於地下也。蜀之險。甲天下。
絕其要塞。雖百萬可立挫焉。賊一入寇。秦良玉扼之。
向非賂陳竒瑜脫去。則賊之亡久矣。嗣昌委賊於蜀。
夫人知之。而捷春不知也。擲夔萬之藩籬。守重慶之
門戶。使賊得以出入縱橫。而無所忌。此其罪在誰哉。
故曰哭蜀者。所以著楊嗣昌之罪。而憫卽捷春之愚。

也。賊之三入蜀也。分道屠戮。流血成川。蜀之受禍極矣。當是時。自縉紳以至氓庶。盡節者不可勝數。而閨中婦女。或閉戶自焚。或罵賊以死者。無算也。戎馬倥傯。其事不必盡傳。傳者又莫由表述。筆之於書。使後之君子。得以考之。則死者可以無憾。故曰。哭蜀者。所以弔忠魂。烈魄於地下也。曩者余嘗論其大略。特未暇詳。今余弟磬泉。採擇成編。頗為詳悉。是固余之志也。嗚呼。蜀非有深怨。積怒於賊也。而殘忍若此。天

實為之耶。抑人事使然耶。豈是集者。必將有嘆息泣下而不能已者已。故曰。蜀碧者。哭蜀也。樂齋彭端淑叙

自叙

史氏丹溪生憶甲申遺事而嘆曰。嗟乎。自古殘忍之
賊。亡甚。猷忠。遭禍之慘。未如明季之蜀之甚者也。蜀
自猷藩啟封。世有令嗣。休養生息。幾三百年。士民之
庶。物力之饒。甲乎天下。其間雖經鄔藍蘭播之亂。元
氣未亡也。張逢一入。勢若摧枯。何哉。蓋文燦受紹於
房穀。其銳蓄矣。嗣昌督師於荆襄。其毒流矣。捷春拒
諫於石砭。其隘通矣。士奇過糧於守軍。其遮撤矣。於

是陷夔門。破涪萬。走桀貴。敗曾英。血染佛圖。炮穴重。
慶瑞王君臣。駢首受戮。當是時。使蜀藩之志。果於拒。
賊。監軍之餉。得請即行。其能保有成都乎。腹心既裂。
首目隨之。智者難為之謀矣。獨怪獻逆。據蜀後。僭號。
稱帝。不東扼瞿塘。北絕劍閣。收服人心。逸休兵士。而。
處心積慮。成乎其殺。鬻奴死。雪鰥死。貫戲死。剗腹死。
邊地死。士盡矣。及匠傭。及婦女。及僧道。及兵卒。人盡。
矣。及犬牛物。盡矣。又焚其殿。碎其砌。毀其屋。堙其井。

平其城。二年之間。骨積成莽。血流成渠。雖可望泣。諫。
於刎頸。偏裨不忍而自經。而賊之逞毒。一日封及其。
心。不樂也。由前言之。四方是維。天子是毘。誰司兵柄。
萬死莫贖。由後言之。天方荐瘡。喪亂宏多。浩劫之來。
自有宿也。故西充授首而後。又十餘年。多門之死。不。
可勝悼矣。夫攷古之籍。推蜀之由。張儀之啟疆。公孫。
之躍馬。譙縱之迫脅。李特之流亂。劉闡之狂戇。王建。
之發跡。知祥之踵據。王珍之叛霸。僭王竊帝。奪地爭。

自序
城而皆撫有蜀民。不敢荼毒。何獻之肆惡。一至此耶。
貍虎嗜人。不識好惡。獸心野性。固與人殊也。論者謂
獻逆稱帝。蜀人不與。誅斬所置守令。蓄怨積怒。激而
成兇。嗚呼。此正蜀人之所以死乎。余兒時稔聞遺老
聚談事。比長。博採羣書。並蜀乘所載。當時忠臣烈士。
節女義夫。可印証者。彙為蜀碧一編。以俟之後。是日
也。慘然操觚。悲風四起。余壹不知心之所極。淚簌簌
而屢下也。乙丑年八月朔五丹溪生泗自叙。

○種種破敗。種種屠戮。數十年喪亂情事。括於一
叙之中。故足為此書之弁。而文筆則挾憤憤而
含嗚咽矣。蔡修萊跋

古穆似魏晉間人筆意 樂齋

義例總言

宗正七年賊始禍蜀。亂之初生。實維元年。書賊起。從其叛也。獻初入蜀。受創未深。危亡之形。兆自丁丑。賊蜀者。闖其先也。閣部督師。而以蜀為壑。撫臣拒諫。而動失機宜。破軍殺將。流毒生靈。厥罪維均也。請餉不與。請召募不與。國既卒斬。又將誰懟。而社井星隳。闔宮安燼。猶是國君死社稷也。蜀中文武。協心復仇。衽草枕戈。不忘討賊。事雖不成。亦足為烈於天下也。天

鳴地震。水溢山崩。物怪人妖。鬼魅瘟疫。亡國之徵。孽
不虛作也。忠臣義士。節婦烈女。內而細民。外之土目。
無微不章。表幽魂。伸鬱魄也。勝廣。挺漢。高興。翟李。熾
唐宗出。韓劉亂。明祖起。驅爵驅魚。實陰相之。終之
王師平蜀。寇盜之禍。天所以開

聖人也。二十年中。天地沉迷。生民磔裂。燕巢林木。鷄
犬罕音。荼毒之慘。於斯已極。李賀。時云。恨血千年化
為碧也。事多緒雜。鋪次為難。晰目總綱。毫末可了。書
法倣之。古人公案。便於閱者。非敢比吳楚之僭王也。

己丑八月中秋後總言

目錄

一卷

起戊辰 崇正元年止 癸未

二卷

起甲申

世祖章皇帝順治元年止 本年十二月

三卷

起順治二年乙酉止 順治四年丁亥

四卷

起順治五年戊子止

聖祖仁皇帝康熙二年癸卯

附記

十五條

楊展傳

劉道貞傳

鐵脚板傳

余飛傳

書周鼎昌殺賊事

後叙



蜀碧卷壹

丹溪生彭遵泗著

丹溪生彭遵泗著 延慶校訂

起戊辰 止癸未

戊崇禎辰年冬十有二月。陝西賊大起。○陝西連歲大稔。平

涼延安間。饑民相聚為盜。首亂者王子順、苗美、張聖姬、三兒、王嘉允、黃虎、小紅、狼一、大青、龍得水、混江龍、掠地虎、上天猴、闖王、孟良、劉六等。名目甚衆。督撫討之久無成功。其後併小為大。李自成、張獻

忠虎視鷓鴣。張秦楚豫蜀之間。戰無堅陣。攻無堅城。肝腦塗中原。而明社屋矣。

丹稜學博何脩。云天啟開。蜀大旱。遵義守令集黃冠。禱雨。拜章者伏地彌日。及起。守詢之。云上帝召天下都城隍議事。章出甚遲。問議何事。云戰場始於陝西。至崇正初年。秦中賊果起。○脩明季遵義人。

己巳四川地震。○是後不書四川。所紀皆蜀事也。
庚午秦蜀二境擊柝相聞。賊既亂。秦蜀豈無知而瞿

辛未塘劍閣間。不聞修邊備。實軍儲。袖手以待賊入。何與。備叙歲次。痛當事無陰雨之憂也。

壬申酉戌叙州母猪洞。銅鼓鳴聲。聞一晝夜。

○二月流賊張猷忠。始自楚犯蜀。○猷忠陝西膚施人。本將家子。少時從軍犯法。得總兵陳洪範救免。刻桷檀為洪範像。事之。其為賊也。與羅汝才同起。猷忠身長而瘦。面微黃鬚一尺六寸。慄勁果俠軍。

蜀書 卷一
中稱為黃虎。又號八大王。二月自鄖陽渡漢。犯襄陽。連陷紫陽。平利。白河等邑。遂入四川。

○賊陷夔州府及大寧。大昌。開縣。新寧諸邑。○賊至大昌。人皆走避。有羅傑者。獨坐室中。正衣冠。閱書史。賊入。罵之。遇害。

○賊犯梁山。邑人中書余原擊走之。○原以中書家居。賊至。集鄉勇與戰。箚銃間伐大松。盛山徑。而用竹畚囊石。飛擊之。又以毒矢射賊中者。見血立斃。

賊敗退入巴州。為川兵所破。去攻太平。石碓。女土司秦良玉將兵至夔。蜀撫劉漢臣運長壽之米。順流濟師。賊知有備。不敢攻。太平圍解。漢臣及按臣黨崇雅請用涂原。以蜀人治蜀兵。不許。

○賊攻保寧不下。走犯廣元城。上發礮石擊之。適○賊攻保寧。推官張一鶚按臣劉宗祥。川北道夏時亨共謀守禦。不能下。走攻廣元。圍七晝夜。城上人發礮石擊之。賊遂遁。

方賊犯夔陵松滋入歸巴萬山中。荆州推官劉振
纓提兵從戰香溪壩。平陽壩斬獲殊衆。而楊正
芳有金沙鋪之捷。李昇有蓮花白溝二坪之捷。鄧
玘有胡地冲之捷。許名成有仙女山之捷。當時川
撫若董石砭。兵力扼巫夔。不令得入。諸鎮戮力可
望成功。迺施兵以援荆東。下舍之勿追。夔關天險
無一人敢誰何。此賊入蜀之始也。

亥乙

子丙

○先是賊既退秦楚間。藩封數陷。蜀王泄泄然不知
遠慮。成都令吳繼善痛歎於王之朝。以書諫曰。高
皇帝衆建藩輔。碁置繡錯。數年以來。陪命亡氏。失
其國家。此數王者。非真有敗德失道。見絕於天也。
直以擁富貴之貴。徂便安之計。為賊所利。而不思
自全。此非殿下前車之鑒乎。今楚氛日惡。秦關失
守。曹闖姚黃時姚黃賊初起陸梁左右。殿下付之悠悠而

眉州

不恤。夫全蜀之險。在邊不在腹。若設重戍於夔門。劍閣。誠足自固。否則黃牛白帝亦屬彘。黑水陽平。更多岐徑。廼欲坐守門庭。謂為設險不可解者。十也。往者蘭首撲滅。敵賊逃遁。止以蘭兵力有虧。敵地利不習。今者荆襄撤其藩籬。秦隴寒其唇齒。揣量賊情。益無瞻忌。而欲援引前事。冀倖將來。不可解者二也。至於錦城之固。不及秦關白水之險。寧踰湘漢。此可恃以無虞。彼何為而失守。且城如

中山士
四員
一非
內人
一非

孤注。救援先窮。時及嚴冬。長驅尤易。累卵不足喻其危。厝火不足明其急。而猶事泄泄。以幸苟免。不可解者三也。為殿下計。宜召境內各官。諮諏謀議。發帑金以贍戍卒。散朽粟以慰饒民。出明禁以絕廝養。蒼頭蠲積逋。以免流離。清瘠募民兵以守隘。結彘目以資援。政教內修。敵勢旁振。則可易危為安。轉禍為福。苟或不然。蜀事誠莫知所終矣。竊為殿下危之王不能用。
吳江南人。才辯濶達。有謀略。後殉難於蜀。

丁丑閏四月雅州地震。馬湖四土司地震者二。叙州建武瀘州越雋皆同日震。

○五月闖賊李自成自秦州犯蜀連陷南江通江等邑。尋退去。自成出身事見正史此處從畧

劍州大水。○先一日沿灘巨石數百皆反覆無定。及水至民登州堂以避者免。餘俱漂沒。黃腸凶具架屋標者壘累。

○九月龍安地震。榮縣黃時太家地鳴聲聞半里。○

工科給事中吳宇英言於朝曰。臣鄉以詔書徵發。救關中者無已。壯丁死於瘡痍。老弱困於騷動。以此城邑空虛。關梁不戒。賊蹈瑕抵隙。連陷南江通江二邑。鎮臣侯良柱猶以賊遁為功。易視賊占。曰地震。主兵又曰地鳴者。伏屍流血。災不徒設。臣竊憂之。宇英潼川人

○十月丙寅李自成由漢中趨攻廣元。總兵侯良柱戰死。○李自成混天星過天星等。以十月初三日

破漢中之寧羗州。分其軍為三。一由黃壩攻七盤關。一由梨樹口麥坪入廣元。一由陽平關過青岡坪。土門塔向白水。侯良柱驛廣元。賊至力戰死於陣。賊結七十營於烏龍山下。良柱陣亡。有屍無首。後削生前官職。

○賊陷昭化。知縣王時化死之。○初五日。賊分兵守二郎關。初八日。從淺灘過河。破昭化。知縣王時化不屈死。

○賊破劍州。知州徐尚卿及州人楊于鼎等死之。○

先是初九日。賊攻劍門。州吏士塞石牛道。不得過。回屯江口。初十日。疾趨攻劍州。城將破。知州徐尚卿召士民語之曰。城不可守。吾惟有死耳。爾等避之。衆不忍去。尚卿書城空不可守。仗節為誰危。苟竄那無計。殊羞孤影隨。教語匿於懷。于鼎與尚卿共守城。城陷。尚卿自縊死。于鼎率子姪諸生令青等督衆巷戰。奮臂擊賊。賊怒。支解以死。子姪皆被殺。尚卿福建舉人。

○賊破梓潼。○十二日。梓潼破。庠生趙節妻魏氏被執。給賊曰。家有積金。害之。江邊。願取以行。賊喜。同至園子潭。氏奮身投水死。

○賊陷江油。執知縣馬宏源。○賊破梓潼。三分其軍。一往縣州。一往鹽亭。一往江油。江油陷。知縣馬宏源被執。不死。尋提問。

○賊攻縣竹。諸生王鐸及其妻趙氏死之。○賊至縣州。彰明安縣羅江德陽漢州。聞風先潰。攻縣竹。執

諸生王鐸及其妻趙氏。令之跪。鐸大罵不屈。殺之。復脅趙氏。氏亦大罵。賊又殺之。時貢生施奇才妻姜氏避亂西山。聞賊近。恐其辱也。拔一簪授婢曰。吾不能逃。汝速去。萬一得生。汝主自北歸來。持此語之。我不敢為家門羞。噓畢。投崖死。

○賊焚新都。越一日。焚彭縣。

○賊掠郫縣。主簿張應奇死之。攻溫江。丞簿縱繫囚逃。

○賊破金堂。典史潘夢科死之。○鹽亭一股賊抄西充折遂寧。趨潼川。直走金堂。攻破之。夢科不屈死。自是重慶以下皆戒嚴矣。

○賊圍成都二十日。○蜀王之墳柏刊焉。

○冬十有二月。總督洪承疇。總兵曹變蛟。帥師援蜀。次於廣元。○初。巡撫王維章以賊去。而侯良柱撤隘兵也。相齟齬。上書言之。朝廷深以為憂。維章守保寧。良柱守廣元。及廣元破。良柱戰沒。賊直逼成

都。維章反在其下。不及接。按臣陳廷謨。雖檄總兵羅尚文集。永遵松茂之兵來援。又自以使事訖新。按臣梁士濟已至。意可弛擔。有詔維章。良柱俱落職。戴罪自贖。廷謨降三級。蓋不知良柱之死也。時輔臣劉宇亮宗人。殲於縣竹。告家難。上逮治維章。以傳宗龍代之。

戊寅春正月。洪承疇大敗闖賊於梓潼。賊還走陝西。○是役也。賊陷州縣三十六。蜀剗甚。

蜀 卷一
○夏六月秦寇再入蜀。○寇由陽平白水再入蜀。巡撫傅宗龍以滇兵二千與蜀帥羅尚文謀戰守却之。

卯 保寧天鼓鳴。○時成都東嶽廟玉帝像自動不止。

○夏五月以參政邵捷春撫蜀。○代傅宗龍也。

○秋八月大學士楊嗣昌督師討賊。○先是十一年

夏四月張獻忠偽降於穀城。理臣熊文燦責賂黃金號裏千珠玕盈斗。他貨累萬。受其降。及是年五

月獻忠復叛。攻殺知縣阮之鈿。漢東大擾。上命閣部楊嗣昌督師討之。賜上方劍。宴於平臺。後殿上手觴嗣昌三爵。賜以詩云。盜梅今暫作。干城上將威嚴細柳營。一掃寇氛從此盡。還期教養遂民生。書用黃色金龍蠟箋。後署云。賜督帥輔臣嗣昌。○張獻忠寇蜀。官軍敗績於湯家壩。○先是左良玉羅漢山之敗。月在七。獻忠謀入秦。秦督鄭崇儉率副將張應元汪之鳳。賀人龍李國奇扼興安。賊犯興

山太平等縣也。於永寧閬大巴山分水嶺秦蜀之
交界。又從義溪走馬家洞沙子嶺以關合江。從鹿
耳坡高竹坪以關大寧。蜀撫邵復春遣其兵一千
人同副將王之綸方國安分地拒險。八月官軍敗
績於湯家灘。之綸力戰不支。都司何明沒於陣。裨
將多傷。

○九月方國安部將岳宗文譚鈗破賊於三尖峯。○
時又破之於黑水河。張獻忠羅汝才分其軍自白

水之碧魚口入秦合江之萬家坡入楚。

○冬十有二月流賊羅汝才犯蜀。

汝才綽號曹操。先豫中童謡云。

鄴臺復鄴臺。曹操今再
來。汝才因假以為號。

庚辰春全川地鳴

○夏五月石砭女土官秦良玉大破羅汝才於夔州。

○汝才入巫山為良玉所扼。遂犯夔州。良玉師至。
迺去。已而邀之馬家寨。斬首六百級。又追敗於留
馬壩。斬其魁東山虎。復合他將大敗之於譚家坪。

北平。又破之。仙寺嶺。奪汝才。大壽縣。擒其渠副。塌天等六人。賊走大寧。

○六月安岳紅雨。着物俱赤色。

○秋七月。督師楊嗣昌。駐師彝陵。○時張獻忠敗於瑪瑙山。遣間說左良玉曰。獻忠在。故公見重。良玉廼圍而不攻。賊得與山民市。鹽芻米酪。收潰卒。養痍傷。久之。自興房走白羊山。西合羅汝才。悉銳來攻夔州。官兵大潰。楚將張應元中流矢。突圍走。叅

將汪之鳳等戰死。嗣昌在襄陽聞之。廼進師彝陵。○嗣昌虛恢自用。又煩瑣無大畧。軍行必自裁進止。千里待報。動失機宜。其駐彝陵也。偕幕士飲酒賦詩。一月不進。取華嚴第四卷。謂可咀蝗已旱。公然下教罷邑。且以上聞。朝士聞而嘆曰。文若其將敗乎。擁百萬之衆。戎服誦經。其哀已甚。將何以戰。嗣昌楚人。不欲賊一騎蹂楚。其初至軍。即謀以蜀困賊。謂蜀地險遠。極邊則松潘諸蠻。吾藉將士力。

感賊而致之蜀。蜀能守則守，不能守，棄涪、萬、松、雅之間，以啗賊。秦兵斷棧道，臨白水，滇兵屯曲靖，扼白石江。我率大兵掩擊其後，驅入松潘諸蠻中，可制賊死命。又恐蜀之門戶堅，反而決關。凡蜀兵之強者，輒調之以飾他備。巡撫邵捷春戲下，止弱卒二萬守重慶。捷春憤曰：「令甲失一城，巡撫坐。今以蜀委賊，是督師殺我也。」爭之不能得。

○時嗣昌又下檄曰：「賊東走大寧，大昌由彝陵下荆。」

襄者我當之。西走紫興房竹，入秦者左良玉當之。伺四川走夔門，邵捷春當之。又令蜀撫棄兩省界中三十二隘口，專守夔門。用楚大兵從竹房逼賊於大寧、大昌，勢如圓盤，點滴不漏。捷春意其以失地相害也，堅守各隘。會隘將覃思岱、楊茂選者不相能，思岱陰中茂選。捷春不察，立召茂選斬之。即以兵屬思岱。一軍皆怨，相率委去。賊遂從此隘入。

碑即

關。蹠及蓬縣矣。○見研齋文集。

○巡撫卽捷春移秦良玉兵至重慶。○時知縣州陸遜之罷官歸。捷春遣往按行營壘。過秦。秦冠帶佩刀出見。左右男妾十餘人。然能制其下。視他將加肅。為陸置酒。歎曰。邵公不知兵。吾一婦人受國恩。應死。所恨與卽同死耳。之遜請其故。良玉曰。卽公移某自近。去其所駐重慶三四十里。而遣張令守黃泥窪。固已失地利矣。賊在歸巫萬山之上。俯瞰

吾營。鐵騎建劔而下。張令破。次及我。我敗。尚能救重慶之急乎。且閣部驅賊入蜀。無知愚皆知之。不及此時爭山奪險。令賊毋敢。即我而生。以設防。此覆軍之道也。

○九月張猷忠臨大昌。總兵張令死之。捷春收兵扼梁山。○先是萬元吉駐巫山。卽捷春駐大昌。相聲援。捷春用其將卽仲光之言。以大昌之上中下馬渡水淺地平。難持久。迺扼水寨之觀音巖為第一

隘而夜火巖三黃嶺磨子巖魚河洞下涌諸處各
分兵三四百人以守元吉以兵分力弱為憂賊以
九月先突觀音巖三黃嶺窺下馬渡無備破之元
吉急檄諸將邀之於譚家嶺七箐坎乾溪而張秦
凱以專兵屯淨壁捷春用羅洪政沈應龍二將兵
助之已而獻忠從竹菌坪突過淨壁進屯開縣嗣
昌聞蜀兵潰取觀音巖守將邵仲光斬以殉是時
張令中流矢死石砮軍亦覆沒令故奢崇明降將
年七十餘能馬上用五石弩中必貫草思勇義戰
軍中號神弩將捷春倚之然性輕敵時有賊策一
騎於山呼其壘曰誰是張將軍令易之躍馬出賊
曰若善弩今用相報發矢中項以及良玉兵既敗
單騎見捷春曰事急矣盡發吾溪洞之卒可二萬
我自餽其半半餽之官足破賊土官家調兵用一
箐一帚者最急箐以能飯者畢至帚則掃境盡出
也捷春見嗣昌與已不相能而蜀無見糧峒寨之

人詎可信。遂謝良王言不用。自收其兵扼梁山。○時有降賊自請於捷春曰。某降有日矣。而公不我用。有殺我心乎。卽曰。軍機大事。汝新從賊來。固不能無疑。賊曰。吾從賊久。恨失身。欲圖報國。公疑則速殺我。否則當早用吾計。今賊大眾既疲。乘饑可滅。倘有他賊以軍糧接濟者。雖百萬衆無能破之矣。捷春從之。賊盛言諸賊山中所害金銀。更以動將士。而道上所遇皆餓莩無人色。其死者剖其腹。盡草樹皮。謂可信。廼盡新募軍者二萬人。深入皆覆沒焉。

○捷春退屯絳州。○羅汝才既與張猷忠合。猷忠以梁山河水深。不得渡。謀於汝才曰。達州河淺。不如自開縣西走。復東向而趨達州。是時方國安招集殘兵。保達之郊。猷至不敢爭。賊遂渡河。長驅深入。捷春退屯絳州。扼涪江。

○賊趨漢中。趙光遠賀人龍拒之。復走巴西。○捷春

既扼涪江。賊聞疾走劍州。越廣元。將從間道趨漢中。趙光遠賀人龍拒之於陽平。百丈二關不能進。迺踰昭化。復走巴西。張應元合楚蜀兵邀之於梓潼。戰不利。賊反鬪被衄。蜀將曹志耀王光啟張世福力戰却之。降將張一川等陣亡。涪江軍聞之遂潰。

○賊屠縣州。捷春歸成都。賊逼成都。○賊從縣趨攻內江。內江有土司家將毛文者設守。賊至文與戰。

大敗之於東瓜崖。殺其渠魁曰曹四。賊因偃旗鼓疾走成都。成都城龜形。其下皆盤石。惟北角樓用土填築。少瑕。賊夜至穴城數處。將穿矣。城中出董卜。靈者與之戰。賊大敗。殺其卒萬人。迺遁。

○冬十月參足突入玉井。○占曰。虎狼暴害。其時獻方蹂躪四川。蓋其應也。

○十一月逮卻捷春論死。○嗣昌先以大昌失事。糾捷春罪。用監軍道廖大亨代之。捷春為人清謹。有

惠政士民哭送者載道舟不得行競逐散旗官蜀王疏救不聽。

○楊嗣昌進軍駐重慶。○嗣昌幕下評事萬元吉饗士於保寧用猛如虎為正總統張應元副之令率其軍趨絲州諸將分屯要害而元吉自間道走射洪過蓬溪以待賊時賊屯安岳周里場知官軍至宵遁如虎選騎逐賊元吉與應元營安岳城下以截賊歸路是月也賊縱掠什邡縣竹安縣德陽金

堂。所至空城而遁復由水道下簡資嗣昌徵諸將合擊皆退縮賊遂陷榮昌永川。

○十二月賊陷瀘州知州蘓瓊死之。○瓊江南進士城破正衣冠向闕拜泣坐堂上賊至不屈死時嗣昌在重慶下令赦汝才罪降者授官有擒斬獻忠者賞萬金爵通侯次日堂皇厨福徧題有斬閣部頭來者賞銀三錢嗣昌瞠視咄叱疑左右皆賊勒三日進兵會雨雪道斷再戒期視師三檄賀人龍

不至。初，嗣昌憂左良玉跋扈，私許賀代左為平賊將軍。已而良玉有瑪瑙山之捷，謂賀且需後命。良玉聞之不說，二將以是怨望。元吉進曰：「軍心未一，不可以戰。盍令前軍躡賊，後軍為繼，中軍從間道出梓潼，扼歸路，以徐候濟師，此萬全策也。」嗣昌有驕色，曰：「賊易與耳。」烏用分兵示弱耶？至是，獻忠破瀘州，瀘州城三隅形銳而面江，止立石站一路，可北走。元吉請以大軍自南橋其老梁，伏兵傍塞玉蟾寺，盛賊北窺永川，逆而擊之，可以盡殲。已而抵立石，賊營先移，秦師屯小市廂，隔水而陣。賊渡南溪，秦兵縱之，遂越成都，走漢州。德陽元吉單騎至藉田鋪，賊渡縣河入巴州。嗣昌既誣監軍謀不用，將以明年正月自統舟師赴雲陽，檄三軍陸行疾趨追賊。毋令他佚，諸將廼盡從瀘州躡賊。後賊反而東走，諸路盡空，不可復遏。於是自巴抵達及於新開。

已辛春正月己丑總兵猛如虎追賊及開縣之黃陵城
敗績。參將劉士杰等死之。○官兵追賊至黃陵日
晡雨作。參將劉士杰環甲持矛。摧陷賊陣。賊眾披
靡。後軍無繼者。賊密抽騎。越竹箐中。乘高大呼。馳
下。士杰及遊擊郭開猛如虎之子先捷力戰皆死。
如虎率牙兵鑿拒中軍馬。智挾之衝突潰圍走。燾
符盡失。嗣昌在雲陽聞敗。頓足嘆曰。吾不用萬監
軍之言。以至於此。賊遂東下。

萬元吉永川之議也。猛如虎先行。詢鄉導無一人
應者。元吉輕騎至城中。惟丞簿一二人。縣令戴堯
雲已先期遁。及諸將會於瀘中。軍陳可立擁蓋。牛
頭山。飲倡樂以觀關。元吉令之赴賊背。道馳去。如
虎所將寧國兵止六百騎。餘皆平賊鎮兵。平賊鎮
左良玉驕悍不法。流言云。想殺我左鎮。跑殺我猛
鎮。蓋諸軍隨良玉優游不戰。而如虎逐賊日馳。風
雪中不樂也。未幾大噪西歸。易曰。師出以律。臧否

凶。嗣昌之軍律如此。宜其凶終也。
元吉以嗣昌薦起。自廢官。欲乘時會以立功名。當
自保寧。趨達州時。賊燒絕驛。置七百里。不見烟火。
單騎崎嶇。箐銑間。至江。舍騎。放舟。始及大軍。故一
見督師。即請分兵。以為後距。開縣之敗。元吉親至
戰處。為文以祭陣亡將士。劉士杰等哀動三軍。在
夔門。收名殘卒。登白帝。以望賊騎。歷歷在山谷間。
我師川湖諸將。反出其後。無一人禦之者。不覺撫

髀流涕。而痛昔日吾謀之不用也。

○三月。楊嗣昌至荊州之沙市。自殺。○嗣昌引兵歸
楚。傳箭名潰卒。順流東下。而賊已席卷出川。率輕
騎。一日夜馳三百里。殺督師使者於道。取兵符。馳
呼襄陽城門。入之。夜半從中起。城遂陷。獻忠縛襄
王。置堂下。屬之酒。曰。吾欲斷嗣昌頭。嗣昌在遠。今
借王頭。俾嗣昌以陷藩伏法。王努力盡此酒。遂害
之。嗣昌羞憤。抵荊州沙市之徐家園。伏毒以死。

壬午夏。連州城濠水盡。變為血。城中井鳴。○又劍州民

家有滴血。汚其門。城中數萬戶皆同。

○冬十月。松潘兵變。○松潘邊兵以索餉不給。聚衆

數萬為亂。巡撫陳士奇以禍福諭之。衆廼定。

未

癸大足縣李結實如刀豆。川南李生黃瓜。○占云李

生黃瓜。民皆無家。此離之兆也。時民家有貯米箕

中者。粒粒躍出。頃刻布地。

又梓潼縣龍江寺僧晨起汲水。見霞光燭天。潛伺

之。少頃有鱗浮出。潼水踰時。廼隱。未幾獻逆入。

皇朝

卷一

四

蜀

錦

